



Stusdal VVS AS
Apalen 17
5915 HJELMÅS

Referanser:
Dykkar:
Vår: 16/1158 - 16/13520

Saksbehandlar:
Eilin Houlison Molvik
EilinHoulison.Molvik@lindas.kommune.no

Dato:
20.05.2016

Utsleppsløyve til fritidsbustad gbnr. 119/9 Sundsbø

Administrativt vedtak. Saknr: 249/16

Tiltakshavar: Frank Iversen
Ansvarleg søker: Stusdal VVS AS
Type utslepp : Sanitært avløpsvatn med utslepp mindre enn 50 pe
Søknadstype: Forureiningslova § 11, jf. forureiningsforskrifta § 12-5

SAKSUTGREIING:

Tiltak

Saka gjeld søknaden om utsleppsløyve for gbnr. 119/9 frå fritidsbustad. Storleiken til utsleppet er opplyst til 5 pe. Anlegget er av typen Biovac FD 5 N PEH. Det vert elles vist til søknad mottatt 06.04.16.

Plassering

Plassering og utsleppsstad er vist i kart i målestokk 1:5000 eller større dagsett 06.04.16, jf. forureiningsforskrifta § 12-14 nr 1 d.

Nabovarsel

Partar og andre som vert råka av utsleppet er varsla og er gjeve høve til å uttale seg innan fire veker frå varsel er sendt, jf. forureiningsforskrifta § 12-4 nr 2.

Det har ikkje komen merknader til søknaden

Privatrettslege tilhøve

Anlegget skal plasserast på tiltakshavar si eigedom og er ikkje avhengig av privatrettslege løyve.

Utløpet frå anlegget går over anna manns grunn i eksisterande jordbruksgrøft til bekk med heilårsvassig og vidare til sjø. Det ligg føre følgjande avtale med grunneigar gbnr. 119/2, signert 22.03.16;



Fritidsbolig på Bnr. 119 Gnr. 9 ønsker søke tiltak for utslepp av grå- og sortvann etter rensing fra renseanlegg – BioVac renseanlegg for 5 pers.

Alt sort-og gråvann fra fritidsbolig på Bnr. 119 Gnr. 9 skal gå gjennom renseanlegget. Renseanlegget skal har service 2 ganger årlig og tommes etter behov.

Så lenge renseanlegget monteres og driftes riktig ihht. bruksinstrukser og i forhold til søknad om tiltak og utslipp, tillater jeg utslipp av rensert sort –og gråvann fra Biovac renseanlegg gjennom jordbruksgrøft på min eigendom.

Plassering

Plassering av anlegg og leidningsnett kan etter kommunen sin vurdering godkjennast i samsvar med kart dagsett 06.04.16 datert 26.02.16.

Skissert jordbruksgrøft kryssar kommunal eigedom gbnr. 119/24. Det ligg ikkje føre avtale med Lindås kommune som gjev rett til å føre utløpsvatn frå fritidsbustaden under vegen. Det kan ikkje gjevast løyve til tiltaket etter plan- og bygningslova før dette ligg føre jf. pbl § 21-6.

Reinseløysing

Det skal nyttast biologisk/kjemisk reinseanlegg av typen Biovac FD 5 N PEH. Anlegget tilfredsstillar NS EN-12566-3.

Omsøkt reinesløysing settar krav til utsleppsstad i følsamt/normalt område, med brukarinteresser.

Drift og vedlikehald

Det er eit vilkår for utsleppsløyvet at anleggseigar inngår serviceavtale for drift og vedlikehald av anlegget, jf. forureiningsforskrifta § 12-14 nr 1 c. Serviceavtale ligg føre.

Godkjenning etter andre lovverk

Før arbeidet med etablering av anlegget kan setjast i verk må det søkjast om løyve til tiltak etter plan- og bygningslova.

VEDTAK:

Med heimel i forureiningslova § 11, forureiningsforskrifta §§ 12-3 og 12-5 vert det gjeve utsleppsløyve for ein fritidsbustad på eigedom gbnr. 119/9, dvs. inntil 5 PE. Løyve gjeld utslepp frå minireinseanlegg av typen Biovac FD 5 N PEH. Utsleppsløyve vert gjeve på følgjande vilkår:

- 1. Avlaupet skal reinast i biologisk/kjemisk reinseanlegg av typen Biovac før det reinsa avlaupsvatnet vert ført via jordbruksgrøft til bekk med heilårleg vassig og vidare til sjø.**
- 2. Anlegget skal plasserast slik som vist på kart datert 26.02.16 dagsett 06.04.16.**
- 3. Reinseanlegget skal plasserast slik at det kan driftast og vedlikehaldast av godkjend føretak.**
- 4. Det skal til ei kvar tid ligge føre serviceavtale for drift og vedlikehald av anlegget, jf. forureiningsforskrifta § 12-14 nr 1 c.**

5. Det må dokumenterast rett til å føre utsleppsvatn frå reinseanlegget under veg på eigedom gbnr. 119/24, før det kan gjevast løyve til tiltak etter plan- og bygningslova.

Arbeidet med etablering av anlegget kan ikkje ta til før det ligg føre løyve etter plan- og bygningslova.

Eigedommen skal knytast til offentleg godkjend avlaupsleidning eller anna felleisleidning dersom slike vert ført fram til området og kommunen set krav om det.

Eigar av anlegget er ansvarleg for eventuell forureining frå anlegget, jf. Forureiningslova § 7.

Mynde

Saka er handsama og avgjort administrativt i medhald av delegert mynde, jf. kommunelova § 23 nr 4 og gjeldande delegasjonsreglement.

Klage

Vedtaket er eit enkeltvedtak etter reglane i lov om offentleg forvaltning (fvl). Vedtaket kan klagast på til kommunen, jf. fvl. §§ 28-36. Klagefristen er 3 veker frå melding om vedtak er motteke. Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klaga på i vedtaket, og kva endringar ein ønskjer. Klagen skal grunngjevast.

Før det kan reisast søksmål om vedtaket er gyldig eller krav om erstatning, må høve til å klage på vedtaket vere nytta fullt ut, jf. fvl. § 27b.

Ansvar

Anleggseigar er ansvarleg for at alt arbeid følgjer føresegner gjeve i eller i medhald av forureiningslova og plan- og bygningslova. Om søknaden er i strid med offentlege føresegner, gjeld føresegnene føre løyvet. Vedtak etter forureiningslova inneberer ikkje avgjerd i privatrettslege tilhøve.

Bortfall av løyve

Er arbeidet med etablering av avløpsanlegget ikkje sett i verk innan tre år etter at løyve er gitt, eller innstillast arbeidet i lengre tid enn to år, faller retten til å etablere utsleppet bort. Om utslepp framleis er aktuelt må ny søknad sendast inn, jf. forureiningsforskrifta § 12-5, fjerde ledd.

Ferdigstilling

Når arbeidet med etablering av avløpsanlegget er ferdigstilt skal den ansvarlege for arbeidet skriftleg melde i frå til kommunen at anlegget er etablert og arbeidet utført i samsvar med dette løyvet. Samstundes skal det senast inn stadfesting for montering frå det føretaket som har levert anlegget, og serviceavtale for drift og vedlikehald.

Plassering av anlegg, samt leidningsanlegg med kummar, knekkpunkt og utsleppspunkt skal innmålast og koordinatar skal sendast kommunen, seinast ved førespurnad om mellombels bruksløyve/ferdigattest.

Anlegget eller nokon del av det kan ikkje takast i bruk før det ligg føre mellombels bruksløyve eller ferdigattest etter plan- og bygningslova.

Tilsyn, endring og opphøyr av løyvet

Kommunen er forureiningsstyresmak og fører tilsyn med at føresegner, lovverk og vedtak fatta i tråd med forureiningsforskrifta kapittel 12 vert følgd. Forureiningsstyresmakta har rett og plikt til å utføra tilsyn med avlaupsanlegga. Tilsynet vil kunna omfatta kontroll av anlegg si yting/funksjon og kontroll av kvalitet på utført sørvis og vedlikehald. Eigar av anlegget må dekke kostnad knytt til tilsyn og kontroll, jf.

forureiningslova kap.7.

Om utsleppet fører til uventa forureiningsproblem, kan forureiningsstyresmakta oppheve eller endre vilkåra i utsleppsløyvet, sette nye vilkår og om naudsynt kalle tilbake løyvet i samsvar med forureiningslova § 18, jf. forureiningsforskrifta § 12-14.

Ved all vidare kontakt i denne saka, ver venleg og referer til saknr.: 16/1158

Med helsing

Siril Sylta
avdelingsleiar

Eilin Houlison Molvik
rådgjevar

Dette dokumentet er elektronisk godkjent og har difor ingen signatur.

Kopi til:

Frank Iversen

Austrheimsvegen 104 5953

FONNES

Mottakarar:

Stusdal VVS AS

Apalen 17

5915

HJELMÅS